

# Newtbec

NEW WAY OF BEING CHURCH

Hari Minggu Biasa Ke-5

**HARAPAN: PERCAYA, HIDUP DAN MEMBERI**
**TEMA BULANAN: SOLIDARITAS DALAM KEPELBAGAIAN**

## Pelayan Kepada MISI TUHAN



Yesus telah menyembuhkan ibu mertua Simon dan penduduk di seluruh kota dalam perjalanan ke rumah Simon. Di mana-mana, berita mengenai keajaiban dari Yesus mengejutkan kampung dan bandar yang dikunjungiNya. Reputasi Yesus sudah mengatasiNya. Walaupun Yesus pergi ke padang pasir untuk bersendirian, ramai orang mengikuti bersama. Keajaiban di rumah Simon menyebar selepas penyembuhan seorang lelaki yang dirasuk oleh roh jahat di rumah ibadat. Reaksi orang ramai mencecah ke puncak apabila mereka menyaksikan Yesus membersihkan dan menyembuhkan hanya dengan satu arahan atau dengan sentuhan. Siapa yang mampu melakukannya ... dan Siapa yang akan melakukannya?

### AYAT KITAB SUCI MINGGU INI:

"Bagi semua orang aku telah menjadi segala-galanya, supaya aku sedapat mungkin memenangkan beberapa orang dari antara mereka."

(1 Korintus 9, 22)

Namun, Yesus tidak bersinggah dan menunggu pujian dan penghargaan yang disampaikan oleh orang ramai. Dia meneruskan perjalanan ke kota-kota lain, untuk menjalankan misi yang diamanahkan kepadaNya oleh Bapa, supaya lebih ramai lagi yang akan menerima rahmat dan Firman Tuhan. Tuhan kita tidak memerlukan pujian daripada pengikut atau orang ramai. Dia tidak memerlukan tepukan di bahu, malah juga kemasyhuran dan kekayaan. Kemasyhuran tidak membawa apa-apa makna baginya, kerana tidak ada yang lebih penting daripada memenuhi misiNya.

Santo Paulus menggambarkan pelayan di dalam misinya apabila dia mengatakan "kepada yang lemah saya menjadi lemah, untuk menyakinkan yang lemah. Saya menjadi pelbagai benda untuk semua, untuk menyelamatkan seberapa yang mungkin". **Kami menemui orang pada hari ini yang menjadi pelayan sejati misi Tuhan.** Mereka memberitakan Injil dengan tekun, kadang-kala membahayakan nyawa mereka semasa melakukannya. Kita sering melihat perkara ini berlaku - pengorbanan untuk menjadi pelayan Berita Baik.

Seperti Paulus dan pelayan misi Tuhan yang lain, kita juga menjadi gelisah dan kurang sabar, atas keberatan pelayan yang dipikul. Yakinlah bahawa Tuhan memahami perjuangan kita, terutama pada zaman kini yang penuh dengan kesusahan dan cabaran. Melalui semua kejadian yang berlaku di dunia, sebagai pelayan misi Kristus, kita boleh merasakan Yesus meraih tangan kita sebagaimana dilakukan di rumah Simon, sentuhan tangan lembutnya yang dapat menghidupkan kembali semangat kita yang terkulai. Marilah kita yakin bahawa pelayan kita diakui oleh Yesus dan semoga kita terus berkhidmat dengan aktif di kebun anggurnya setiap hari. ✚

### AYAT SUCI MINGGU INI

Ayub 7, 1-4. 6-7;  
Mazmur 146, 1-6;  
1 Korintus 9, 16-19.  
22-23;  
Markus 1, 29-39.